

QVÆSTIO MEDICA:
 QVODLIBETARIIS DISPUTATIONIBVS
 MANE DISCVTIENDA, IN SCHOLIS MEDICORVM,
 Die Iouis xxxii. Nouembris.

M. FRANCISCO MALLET,
 DOCTORE MEDICO,
 Moderatore.

An prægnanti periculose laboranti abortus?

VT NUTRIMVR similibus, sic curamur contrarijs: vomitus vomitum, diarrhoea diarrhoeam tollit, rheum biliosam ca-
 cochymiam contrariorum lege, non similibus, ut vani Chy-
 mistæ somniant. Curationem quam congeniti morbi non
 admittunt, insinuat *ἐνδεξις*, quæ est comprehensio iuuantis unâ &
 nocentis rei. Nocet morbus, morbi causa, & symptoma: sed sym-
 ptomatis ut curatio nulla, sic nulla indicatio, ut neque ætatis, sexus,
 temperamenti, regionis, tempestatis, constellationis, quæ moderari
 quidem catharsim & phlebotomiam possunt, omnino prohibere non
 debent. Gravida, infantes, senes, biliosi, Æthiopes cum res postulat,
 utrumque præsidium sustinent cum *ἐνδοξία*.

PERICVLOSA quidem hæc præsidia ægris omnibus *ἀγως* ad-
 ministrata, sed prægnantibus omnino perniciofa: ubi verò cum
 ratione præscribuntur, & morbos abigunt, & intervertunt abortum,
 quem ullo tempore prouocare non licet nisi corrupto foetu. Quamvis à
 graviditate malè habeat mulier, nefas tamen foetum elidere, aut con-
 ceptum excutere; si proprio laborat vitio, piaculum. Cum autem
 quæ utero gerit, obnoxia sit omnibus morborum generibus, ita & omni
 præsidiorum apparatu indigere potest, quæ abortum quovis mense

difficilem & periculosum prohibeant, vitamque foetæ & foetus, operationes omnes motus & sensus, vitalem quidni? cum hæmatosi & hæmoeosi in utero obëuntis custodiant.

UTERO gerentium proprii affectus & mola non sine virili semine genita, & abortus nonnullis congenitus, & *αυτογενήσις*: illa sui perpetuo ablationem insinuat: hic sui inhibitionem, qui cum sit immaturi foetus exclusio, omnis præter naturam censendus habetur, seu morbi magnitudine, seu medicamenti virtute contingat. Abortum minantur vel accelerant dysenteria, senibus & pueris calamitosa, tenesmus laudano perlato non sistendus, alvus liquidior, dolor colicus, quem mellago Saturni irritat, continua febris, & acuti omnes præter naturam affectus, chronicorumque nonnulli, ut febres quotidianæ, nullis specificis cedentes, epilepsiæ maribus quàm feminis familiares magis, arthritides inedia profigandæ, catarrhi, tussis effectæ, &c.

AB uteri & foetus vitio non minùs quàm à materno sanguine abortus causæ erumpunt. Uteri angustia, læuitas, relaxatio, erysipelas, cancer *αϊτά*, foetus crudos ante tempus à natura definitum, quod est à septimo mense ad undecimum, foras eliminant. Ipse foetus numero & mole impar utero, immaturum sibi parat exitum: quem quoque promouet ver post austrinam & pluuiam hyemem siccum & aquilonium, inordinati foetus motus, languor eiusdem ac imbecillitas, ex attenuatone mammarum maternarum & menstrui sanguinis profluio deprehendenda. Periculosus quidem omnis abortus, sed minùs primis quàm vltimis mensibus, paribus magis quàm imparibus; primiparæ mulieres, graciles admodum & crassæ, sanæ & quæ maturos foetus edere consueverunt, abortiendo magis periclitantur.

NON caret periculo abortus qui medicamentis prouocatur. *Απάγε* *ἀμβλωτική* & *καὶ φθορόποια* medicamenta, cæteraque *ὑποφθωρικά* assumpta, admodum, injecta, aliave ratione procurata. Quid si periculose laborat foetæ? quid si uterus exclusionem tentet? omni arte uteri contentus compescendus est, foetus alendus & confirmandus, erigenda quæ utero gerit, præsidij omnibus, alterantibus & euacuantibus. Venæ sectio cum res exigit sæpius iteranda ex brachiorum, non poplitum venis, cum ad auertendum abortum ætite lapide, magnete & vri pelle præstantior existat: non omittendæ quoque hirudines, cucurbitulæ, catharsis crebra, sed blanda, etiam vltimo graviditatis mense utilis,

aquæ minerales, diuretica, sudorifica, frictiones interdum ex hydrargyro, quæ foetum & foetam lue venerea infectos sanant; cætera denum quæ morbos matris profigare, & immaturi foetus exclusionem inhibere valent.

Non ergo prægnanti periculose laboranti abortus.

Proponebat Luteriæ GVIDO PATIN, Bellouacus,
Schol. Archid. Anno R. S. H. M. DC. xxv.

DOMINI DOCTORES DISPVTATVRI.

M. Franciscus Mallet, Præses.

M. Iacobus Iouuin.

M. Petrus Sauare.



M. Clandius de Pois.

M. Petrus le Comte.

M. Agidius le Blanc.

M. Claudius Charles, Medicus & Prof. Regius.

M. Quirinus le Vignon.

M. Dionysius Guerin.

PARISIIS;

Prostant Exemplaria apud NICOLAVM BOISSET, Typographum, in
vico Divi Ioannis Bellouacensis, è regione Collegij, ad insigne
Cordis Vulnerati. M. DC. LIIII.

*cette thèse est la 684^e du recueil
in folio tome IV des thèses de la faculté.*